



JUDICIAL SYSTEM MONITORING PROGRAMME
PROGRAMA DE MONITORIZAÇÃO DO SISTEMA JUDICIAL

Komunikadu Imprensa

Periodu : Maiu 2011

Edisaun : 09 Maiu 2011

Parlamentu Aprova Alterasaun Lei ba Eleisaun Parlamentu Nasionál

Parlamentu Nasionál Kuarta feira 04 Maiu 2011 aprova proposta Governu N^o 44/II konabá segundu alterasaun ba Lei N^o 6/2006 (Lei Eleitoral ba Parlamentu Nasionál). Lei ne'e rasik pasa iha diskusaun espesialidade iha tuku 18.00 lorokraik ho votus a favor 39, kontra 0 no absteinsaun 1.

Diretór Interinu JSMP Casimiro dos Santos hatete, importánsia ba alterasaun lei ba Eleisaun Parlamentu Nasionál ne'e mak tenki refleta duni situasaun Timór Lesté no responde ba rekomendasaun husi Misaun Observasaun Eleitoral Uniaun Europeia (EUEOM) nian no relatóriu sira konabá eleisaun husi Ekpa Sertifikasaun Eleitoral husi Nasoens Unidas no Internasionais ne'ebé uluk halo monitorizasaun ba prosesu eleisaun 2007 nune'é la bele akontese fallansu fila fali iha elisaun jerál 2012.

Tuir proposta alterasaun ne'ebé Programa Observasaun Parlamentu JSMP hetan husi sekretariadu apoiu Parlamentu katak iha totál artigu hamutuk 19 mak Governu apresenta hanesan Proposta atu halo alterasaun iha Parlamentu Nasionál.

Artigu sira ne'ebé husu atu halo alterasaun mak hanesan, artigu 4^o Kapasidade Eleitoral Aktiva , artigu 16^o Perda de Mandatu, artigu 22^o Lokal e Prazo De Apresentasaun, 23^o Admissaun ba Kandidaturas, 24^o Reklamasan no Rekursus ,25^o Sorteiu das Listas, 27^o Desistencia de Lista, 33^o Horariu de Funsionamentu,34^o Ofisias Eleitoriais,37^o Fiskais da Kandidaturas, no artigu 40^o Identifikasaun ba Eleitor, 41^o Lokal ba Votasaun, 45^o Dúvidas, Reklamasan no Protestu,46^o kontazen de Votu no Apuramentu inisial,47^o Assembleia Apuramentu Distritál no 48^o Assembleia Apuramentu Nasionál.

Proposta lei ne'e, apresenta husi Ministru Administrasaun, Estatál Ordenamentu Teritóriu Arcângelo Leite no Diretór Jerál Sekretariadu Tékniku Administrasaun Eleitoral (STAE), Tomas Cabral. Durante diskusaun, membrus parlamentu sira kestiona maka'as liu ba artigu 22^o,33^o, 39^o ho 45^o hodi halo mós proposta alterasaun hamutuk 13. Husi proposta alterasaun sira ne'e 9, mak passa iha votasaun espesialidade no 4 mak prejudikadu ka la passa iha votasaun. Entertantu husi proposta Governu nian 8 mak prejudikadu ka la passa no 11 passa iha votasaun.

Kuaze proposta ne'ebé deputadu sira halo atu harmoniza tan deit prosesu eleisaun parlamentares ho lei Prezidensiál. Hanesann ba artigu 39^o konabá bulletin de votu, maski governu la husu halo

alterasaun, maibé Partidu CNRT halo proposta alterasaun (proposta n^o3) atu aumenta tan palavra monta fotografia iha alinea 2) ba kandidatu ne'ebé sai figura ba primeíru lugar iha lista admitida ba eleisaun ne'ebé povu atu hili. Maibé Bankada FRETILIN, PD, PSD no ASDT sira seluk la konkorda ho razaun elisaun iha nasaun hotu avansa deit ho bandeira ka imblema husi partidu polítiku, tanbá ne'e iha finál proposta CNRT nian la pasa ho votus kontra 30, avafór 18 no absteinsaun 1.

Proposta alterasaun ne'e, apresenta husi distintos deputadu hanesan tuir mai ne'e Pedro da Costa, Carmelita monis, Duarte Nunes, Romeo Moises no Paulo de Fátima Martins husi bankada CNRT.

Atu hetan infórmasaun kle'an favor kontaktu direktamente:

Casimiro dos Santos

Diretór Interinu JSMP

Diresaun e-mail: casmiro@jsmp.minihub.org

Landline: 3323883